

Sheria Ndogo za (Matumizi ya Barabara) za Halmashauri ya Manispaa ya Shinyanga
Tangazo la Serikali Na. 368 (linaendelea)

TANGAZO LA SERIKALI NA. 368 la tarehe 4/10/2013

SHERIA YA SERIKALI ZA MITAA (MAMLAKA ZA MIJI)

(SURA YA 288)

SHERIA NDOGO

(Zimetungwa chini ya Kifungu Na. 89

SHERIA NDOGO ZA (MATUMIZI YA BARABARA) ZA HALMASHAURI YA MANISPAA YA SHINYANGA ZA MWAKA, 2013

Jina na
mwanzo
wa
kutumika

1. Sheria Ndogo hizi zitajulikana kama Sheria Ndogo za (Matumizi ya Barabara) za Halmashauri ya Manispaa ya Shinyanga za mwaka 2013 na zitaanza kutumika baada ya kutangazwa kwenye Gazeti la Serikali.

Eneo la
matumizi-

2. Sheria Ndogo hizi zitaanza kutumika katika eneo lote la Halmashauri ya Manispaa ya Shinyanga.

Tafsiri

3. Katika Sheria Ndogo hizi isipokuwa itakapoelezwa vinginevyo:

“Afisa Muidhiniwa” maana yake ni Afisa yeyote atakayeteuliwa na Halmashauri kusimamia utekelezaji wa Sheria Ndogo hizi;

“Eneo la kati” maana yake ni eneo la kata ya Shangani;

“Gari” maana yake ni chombo chochote kile cha moto chenye matairi kuanzia matatu;

“Halmashauri” maana yake ni Halmashauri ya Manispaa ya Shinyanga;

“Kituo” maana yake ni kituo kilichosajiliwa na Halmashauri kwa ajili ya kugesha teksipikipiki, gari na lori;

“Kituo cha teksipiki” maana yake ni kituo maalum kilichoainishwa na Halmashauri kwa ajili ya kugesha teksipiki;

“Kituo cha Basi” maana yake ni Kituo maalum kilichoainishwa na Halmashauri kwa ajili ya kugesha mabasi yanayoshusha na

Sheria Ndogo za (Matumizi ya Barabara) za Halmashauri ya Manispaa ya Shinyanga

Tangazo la Serikali Na. 368 (linaendelea)

TANGAZO LA SERIKALI NA. 368 la tarehe 4/10/2013

SHERIA YA SERIKALI ZA MITAA (MAMLAKA ZA MIJI)

(SURA YA 288)

SHERIA NDOGO

(Zimetungwa chini ya Kifungu Na. 89)

SHERIA NDOGO ZA (MATUMIZI YA BARABARA) ZA HALMASHAURI YA
MANISPAA YA SHINYANGA ZA MWAKA, 2013

Jina na
mwanzo
wa
kutumika

1. Sheria Ndogo hizi zitajulikana kama Sheria Ndogo za (Matumizi ya Barabara) za Halmashauri ya Manispaa ya Shinyanga za mwaka 2013 na zitaanza kutumika baada ya kutangazwa kwenye Gazeti la Serikali.

Eneo la
matumizi-

2. Sheria Ndogo hizi zitaanza kutumika katika eneo lote la Halmashauri ya Manispaa ya Shinyanga.

Tafsiri

3. Katika Sheria Ndogo hizi isipokuwa itakapoelezwa vinginevyo:

“Afisa Muidhiniwa” maana yake ni Afisa yeyote atakayeteuliwa na Halmashauri kusimamia utekelezaji wa Sheria Ndogo hizi;

“Eneo la kati” maana yake ni eneo la kata ya Shangani;

“Gari” maana yake ni chombo chochote kile cha moto chenye matairi kuanzia matatu;

“Halmashauri” maana yake ni Halmashauri ya Manispaa ya Shinyanga;

“Kituo” maana yake ni kituo kilichosajiliwa na Halmashauri kwa ajili ya kuegesha teksipikipiki, gari na lori;

“Kituo cha teksipiki” maana yake ni kituo maalum kilichoainishwa na Halmashauri kwa ajili ya kuegesha teksipiki;

“Kituo cha Basi” maana yake ni Kituo maalum kilichoainishwa na Halmashauri kwa ajili ya kuegesha mabasi yanayoshusha na

Sheria Ndogo za (Matumizi ya Barabara) za Halmashauri ya Manispaa ya Shinyanga

Tangazo la Serikali Na. 368 (linaendelea)

kupakia abiria;

“Lori” maana yake ni gari yoyote ile ya mzigo yenye uzito kuanzia tani 3 na kuendelea;

“Maegesho” maana yake ni sehemu maalum iliyotengwa kwa ajili ya kuegesha magari;

“Mkurugenzi” maana yake ni Mkurugenzi wa Halmashauri ya Manispaa ya Shinyanga pamoja na Afisa yeyote atakayeteuliwa kutekeleza majukumu ya Mkurugenzi;

“Mtaa” maana yake ni eneo lolote ndani ya Halmashauri na inajumuisha barabara;

“Mkokoteni” maana yake ni chombo chochote kile chenye matairi kinachotumika kubeba mizigo ambacho hutembea kwa kusukumwa na binadamu au kukokotwa na mnyama.

“Teksi” maana yake ni gari yoyote iliyosajiliwa yenye uwezo wa kubeba abiria wasiozidi watano inayotumika kufanya biashara ya kusafirisha watu, ikiwa ni pamoja na bajaji na pikipiki;

“Wakala” maana yake ni mtu binafsi, kikundi cha watu, Kampuni, Taasisi au Shirika atakayeteuliwa na Halmashauri kusimamia utekelezaji wa Sheria Ndogo hizi kwa niaba yake;

“Waziri” maana yake ni Waziri mwenye dhamana ya Serikali za Mitaa.

4.-(1) Itakuwa ni marufuku kwa mtu yeyote kuegesha gari sehemu yoyote isipokuwa katika eneo lililotengwa maalum kwa mujibu wa Sheria Ndogo hizi.

Maegesho

(2) Halmashauri kwa kushirikiana na vyombo vingine vya Dola itahakikisha inaweka alama za barabarani zitakazoonyesha sehemu maalum kwa ajili ya kuegesha magari katika Mitaa yote ndani ya Halmashauri.

5.-(1) Itakuwa ni wajibu wa kila mmiliki wa tekisi kuhakikisha kwamba:-

(a) gari lake limekaguliwa na Polisi na amelipia kodi zote zinazotakiwa na Serikali ikiwa ni pamoja na kodi, ada na ushuru wa Halmashauri kabla ya kusajiliwa;

Usajili wa tekisi

(b) teksi yake imesajiliwa na Halmashauri kabla ya kuanza kufanya biashara ya kusafirisha abiria.

(2) Baada ya kusajiliwa, Halmashauri itatoa namba itakayobandikwa ubavuni mwa gari na kuainisha kituo ambacho teksi iliyosajiliwa itaegeshwa.

Usajili wa
vituo vya
tekisi

6.-(1) Halmashauri itatenga na kutangaza maeneo maalum yatakayotumika kama vituo vya teksi.

(2) Halmashauri itaainisha idadi ya teksi zitakazoruhusiwa kuegeschwa katika kituo kimoja kwa wakati mmoja kwa kuzingatia ukubwa wa eneo.

(3) Itakuwa ni marufuku kwa mtu yeyote kuegesha teksi mahali ambapo hapakutengwa kwa ajili ya matumizi hayo.

Mikoko-
teni

7.-(1) Itakuwa ni wajibu wa kila mmiliki wa mkokoteni kuusajili mkokoteni wake kwenye Kata anayofanyia biashara ya kuendesha Mkokoteni.

(2) Baada ya kusajiliwa Afisa Mtendaji wa Kata ataupatia mkokoteni huo namba na kuupangia eneo ambalo utatakiwa kuegeschwa.

(3) Kila mkokoteni utalipiwa ada ya usajili kama itakavyopangwa na Halmashauri.

Malori

8.-(1) Itakuwa ni marufuku kwa lori lolote kuingia eneo la kati la Halmashauri bila kupata kibali cha Maandishi cha Halmashauri.

(2) Eneo la kati la Biashara la Wilaya (Central Business District) kwa mujibu wa Sheria Ndogo hizi na kata ya Mjini, Ibinzamata, Lubaga, Kambarage, Ngokolo, Ndala, Kitangili, Ndabezi na eneo lingine lolote ambalo Halmashauri itaamua kufanya hivyo.

(3) Kibali cha kuingiza lori eneo la kati kitalipiwa ada ya Shilingi 30,000/= kwa kila safari. Halmashauri inaweza kubadili kiwango endapo itaona inafaa kufanya hivyo.

Sheria Ndogo za (Matumizi ya Barabara) za Halmashauri ya Manispaa ya Shinyanga

Tangazo la Serikali Na. 368 (linaendelea)

(4) Kibali kilichotolewa kitatumika kwa safari moja na kwa siku iliyotajwa kwenye kibali kwa kupitia barabara zile tu zitakazoainishwa ndani ya kibali hicho.

(5) Kibali cha kuingiza lori eneo la kati la Halmashauri kitatolewa na Halmashauri baada ya kupokea maombi ya maandishi kutoka kwa muombaji akiainisha lengo la kuingiza lori eneo la kati na mahali linapokwenda.

9.-(1) Itakuwa ni marufuku kwa mtu yeyote kuosha na au kutengeneza gari katika eneo la barabara, hifadhi ya barabara au eneo la wazi ambalo halijatengwa kwa matumizi hayo.

Uoshaji na
utenge-
nezaji wa
magari

(2) Gari litalokutwa linaoshwa au kutengenezwa katika maeneo yasiyoruhusiwa litavutwa na kupelekwa katika Ofisi za Halmashauri na mmiliki wa gari hilo atatakiwa kulipa faini isiyoziidi Shilingi Elfu Hamsini (50,000/=).

(3) Pamoja na faini iliyoainishwa chini ya kifungu kidogo cha (2) mmiliki wa gari lililovutwa atatakiwa pia kulipa shilingi elfu arobaini (40,000/=) ikiwa ni gharama za kuvuta gari, na shilingi elfu kumi na tano (15,000/=) kwa siku ikiwa ni gharama ya kutunza gari hilo, iwapo litatunzwa kwenye eneo la Halmashauri au kiwango cha gharama kitakachobainishwa na mmiliki wa eneo la kuhifadhi gari.

(4) Iwapo gari lililokamatwa litakaa katika ofisi za Halmashauri kwa zaidi ya siku kumi na nne (14) Halmashauri itauza gari hilo kwa mnada baada ya kuomba na kupata kibali cha mahakama ili kufidia gharama zake na kiasi cha fedha kitakachobaki atarudishiwa mmiliki wa gari.

10.-(1) Itakuwa ni marufuku kwa mtu yeyote kufunga barabara kwa ajili ya sherehe, msiba au shughuli nyingine yoyote ile bila kibali cha maandishi kutoka Halmashauri. Kibali cha kufunga barabara kwa siku kitalipiwa shilingi laki moja (100,000/=)

Ufungaji
wa
barabara

Sheria Ndogo za (Matumizi ya Barabara) za Halmashauri ya Manispaa ya Shinyanga

Tangazo la Serikali Na. 368 (linaendelea)

(2) Mtu yeyote ambaye atafunga barabara bila idhini ya Halmashauri atakuwa ametenda kosa kwa mujibu wa Sheria Ndogo hizi na akipatikana na hatia atatozwa faini isiyoziidi shilingi elfu Hamsini(50,000/=) au kifungo cha miezi sita jela au vyote viwili yaani faini na kifungo.

Uwekaji
wa vifaa
vya ujenzi
barabarani

11. Itakuwa ni marufuku kwa mtu yeyote kuweka au kumwaga vifaa vya ujenzi kama kokoto, mchanga, mawe na vifaa vinginevyo vya ujenzi katika eneo la hifadhi ya barabara au eneo lisiloruhusiwa bila kibali cha maandishi kutoka Halmashauri.

Kukata
barabara

12.-(1) Itakuwa ni marufuku kwa mtu yeyote kukata barabara kwa ajili ya kupitisha mabomba ya maji, nyaya za umeme, simu au shughuli nyingine yoyote ile bila ya kuwa na kibali cha maandishi kutoka Halmashauri.

(2) Mtu yeyote atakayetaka kukata barabara kwa ajili ya kupitisha miundo mbinu mingine atatakiwa kulipa ada ya shilingi elfu Hamsini (50,000/=) kwa barabara ya lami, Shilingi elfu arobaini (40,000/=) kwa kila mita ya urefu, kwa barabara za Changarawe Shilingi elfu ishirini (20,000/=) na atatakiwa kurejesha barabara inayohusika kwenye hali yake ya awali kwa muda utakaotengwa na Halmashauri.

(3) Kibali cha kukata barabara kitadumu kwa muda wa siku saba (7) tu, na baada ya hapo tozo la faini isiyozunguza shilingi elfu hamsini (50,000/=) itatozwa kila siku ambayo muombaji atashindwa kurekebisha eneo lililokatwa na kurejesha barabara katika hali yake ya awali.

Barabara
na uzito
wa magari

13.-(1) Kila barabara itakuwa na uzito wa magari yanayoruhusiwa kupitisha katika barabara hiyo. Halmashauri itaweka katika kila barabara bango linaloonyesha uzito wa gari au magari yanayoruhusiwa kupitishwa katika barabara hiyo.

(2) Hakuna gari lolote litakaloruhusiwa kupitishwa katika barabara yoyote iwapo uzito wa gari hilo utakuwa mkubwa kuliko uzito wa magari yaliyoruhusiwa kupitishwa katika barabara hiyo.

Sheria Ndogo za (Matumizi ya Barabara) za Halmashauri ya Manispaa ya Shinyanga

Tangazo la Serikali Na. 368 (linaendelea)

(3) Mtu yeyote atakayepitisha gari katika barabara yoyote kinyume na Kifungu cha 15(2) atakuwa ametenda kosa na akipatikana na hatia atatozwa faini isiyoziidi shilingi elfu hamsini(50,000/=) pamoja na gharama za uharibifu wa barabara zilizothaminiwa na Halmashauri au kifungo kisichozidi miezi sita jela au vyote kwa pamoja yaani faini na kifungo.

14.-(1) Mtu yeyote ambaye atakuwa amejenga au ameweka jengo lolote katika eneo la barabara mara baada ya Sheria Ndogo hii kuanza atatakiwa kupewa noti ya siku kumi na nne.

Ujenzi
kwenye
eneo la
barabara

(2) Iwapo baada ya kupewa noti ya siku kumi na nne mtu huyo ameshindwa kutekeleza amri hiyo Halmashauri itabomoa na kumpelekea gharama za ubomoaji huo mhusika.

15.-(1) Pale ambapo njia ya kuingilia kwenye nyumba imejengwa kwa namna ambayo inaweza kuziba mitaro iliyo kwenye barabara na kuzuia mtiririko wa maji kwenye mitaro hiyo, Mkurugenzi au Afisa Muidhiniwa anaweza kumtumia noti mtu anayemiliki jengo hilo aweke culvert au bomba eneo hilo kama itakavyoelezwa kwenye noti hiyo kwa lengo la kuondoa tatizo la uzibaji wa mitaro husika.

Uzibaji
wa mitaro

(2) Endapo kuna njia ya kuingia kwenye makazi na pamewekewa culvert au bomba mwenye jengo husika au makazi kwenye jengo hilo atatakiwa kuliacha wazi eneo hilo bila kuliziba na kuzuia maji kupita na atahakikisha eneo hilo liko kwenye hali nzuri na endapo atakiuka masharti ya fungu hili, Halmashauri itafanya kazi hiyo na kisha kumtaka mhusika alipie gharama ambazo Halmashauri itakuwa imetumia.

(3) Itakuwa ni jukumu la mwenye nyumba kuhakikisha mtaro unaozunguka au uliopo mbele ya nyumba au jengo lake la biashara unakuwa katika hali ya usafi wakati wote.

16. Hairuhusiwi kwa mtu yeyote, bila kupata kibali maalum kutoka Halmashauri, kujenga, kuing'iza au kuweka jengo lolote au kusababisha jengo kuingia katika eneo la barabara.

Majengo
yanayoji-
tokeza

Sheria Ndogo za (Matumizi ya Barabara) za Halmashauri ya Manispaa ya Shinyanga
Tangazo la Serikali Na. 368 (linaendelea)

Kufanya
biashara

17.-(1) Hairuhusiwi kwa mtu yeyote kufanya biashara katika eneo la barabara.

(2) Iwapo Halmashauri itagundua mtu yeyote ameweka bidhaa zake katika eneo la hifadhi ya barabara, mtu huyo atapewa notisi ya siku kumi na nne ili kuondoa bidhaa zake na asipofanya hivyo, Halmashauri itaondoa bidhaa hizo na kumtaka aliye gharama za uondoaji wa bidhaa hizo.

Uteuzi wa
wakala

18. Halmashauri itakuwa na uwezo wa kumteua Wakala kusimamia utekelezaji wa Sheria Ndogo hizi kwa niaba yake.

Makosa

19. Mtu yeyote atakuwa ametenda kosa kwa mujibu wa Sheria Ndogo hizi iwapo:-

- (a) ataegesha gari katika sehemu isiyoruhusiwa;
- (b) atafanya biashara ya tekisi kwa kutumia gari isiyosajiliwa au kuegesha kwenye kituo cha tekisi;
- (c) ataendesha mkokoteni bila ya kusajili katika Kata;
- (d) ataendesha mkokoteni katika barabara ambayo hajaruhusiwa;
- (e) ataendesha lori bila kibali katika eneo la kati la Halmashauri;
- (f) ataosha gari katika eneo la barabara, hifadhi ya barabara au eneo la wazi ambalo matumizi yake siyo ya kuegesha gari;
- (g) atafunga barabara kwa shughuli za sherehe, msiba au shughuli nyingine yoyote bila kibali cha maandishi cha Halmashauri;
- (h) atakata barabara bila kibali cha maandishi kutoka Halmashauri;

Sheria Ndogo za (Matumizi ya Barabara) za Halmashauri ya Manispaa ya Shinyanga
Tangazo la Serikali Na. 368 (linaendelea)

(i) ataweka au kumwaga vifaa vya ujenzi kwenye barabara, hifadhi ya barabara au eneo lisiloruhusiwa;

(j) atamzuia Afisa au Wakala wa Halmashauri kutekeleza majukumu yake chini ya Sheria Ndogo hizi.

20. Mtu yeyote atakayepatikana na hatia kwa mujibu wa Sheria Ndogo hizi atatozwa faini ya isiyozidi shilingi elfu hamsini (50,000/=) au kifungo kisichozidi miezi mitatu Jela au adhabu zote mbili kwa pamoja yaani faini na kifungo.

20. Mkurugenzi atakuwa na uwezo wa kumtoza faini mtu yeyote isiyozidi shilingi elfu hamsini (50,000/=) iwapo mkosaji atakiri kwa maandishi kutenda kosa hilo kwa kujaza fomu maalum iliyopo kwenye jedwali la Sheria Ndogo hizi na kukubali kulipa faini anayodaiwa.

JEDWALI LA KWANZA

<i>Na.</i>	<i>Uzito wa gari</i>	<i>Ada</i>
1.	Tani 5 hadi 10	5,000/= kwa siku
2.	Tani 10 hadi 15	7,500/= kwa siku
3.	Tani 15 na kuendelea	10,000/= kwa siku

JEDWALI LA PILI

FOMU YA KUFIFILISHA KOSA

(Chini ya Kifungu cha 16 cha Sheria Ndogo hizi)

Mimi.....wa S.L.B.....

Sheria Ndogo za (Matumizi ya Barabara) za Halmashauri ya Manispaa ya Shinyanga
Tangazo la Serikali Na. 368 (linaendelea)

.....ninayefanya biashara ya.....
.....katika eneo la.....lililopo ndani
ya Halmashauri ya Manispaa ya Shinyanga. Nakiri kuwa leo tarehe.....

Nilikiuka kifungu cha..... Sheria Ndogo za (Matumizi ya Barabara) za Halmashauri ya Manispaa ya Shinyanga za mwaka 2012. Kwa hiyo, kwa hiari yangu mwenyewe na bila kushawishiwa na mtu yeyote, nakubali kulipa faini iliyoainishwa kwenye Sheria Ndogo hizi iwapo Mkurugenzi atatekeleza madaraka aliyopewa chini ya kifungu cha 16 cha Sheria Ndogo hizi.

Adhabu

Saini.....


Mbele yangu..... (Jina)

Kufilisha
kosa

Saini.....

Wadhifa.....

Nembo na Mhuri wa Halmashauri ya Manispaa ya Shinyanga umebandikwa kwenye Sheria Ndogo hizi kwa kufuata Azimio lililopitishwa kwenye Mkutano wa Baraza la Madiwani uliofanyika mnamo tarehe Thelathini ya Mwezi, Oktoba 2012.



.....
FESTO LUGANDA KANG'OMBE
Mkurugenzi
Halmashauri ya Manispaa ya Shinyanga

.....
GULLAMHAFEEZ ABUBAKAR MUKADAM,
Mstahiki Meya
Halmashauri ya Manispaa ya Shinyanga

NAKUBALI,

Dodoma,
17 Agosti, 2013

.....
MIZENGO PETER PINDA (MB.),
Waziri Mkuu